

封泥考略

封泥攷略卷二目

漢諸侯王璽印封泥

王璽

河閒王璽

吳臧

菑川王璽

陳臧

漢王國官印封泥

丞相

海豐吳式芬子苾  
同輯  
濰縣陳介祺壽卿

菑川丞相

陳臧

相

定陶相印章

吳臧

趙相之印章

陳臧

眞□相□章

下半缺

吳臧

廣川相印章

陳臧

廣陽相印章

陳臧

廣陽相印章

陳臧

廣陽相印章

陳臧

廣陽相印章

吳臧

廣陽相印

吳臧

高密相印章

陳臧

梁相之印章

陳臧

梁相之印章

吳臧

魯相之印章

陳臧

魯相之印章

吳臧

泗水相印章

陳臧

泗水相印章

吳臧

泗水相印章

吳臧

廣陵相印章

吳臧

廣陵相印

左半缺

陳臧

六安相印章

陳臧

六安相印章

陳臧

六安相印章

陳臧

長沙相印章

吳臧

平

上半缺

吳臧

相印章

上半右半均缺

陳臧

□□相印章 右半缺 陳臧

奉常 屬官

菑川頃廟 陳臧

郎中令 郎中

吳郎中印 吳臧

□郎□印 上半缺 吳臧

僕

六安僕印 吳臧

少府 御丞

廬江御丞

吳臧

菑川府丞

坳

陳臧

詹事長秋

□□□秋

上半缺

陳臧

中尉

齊中尉印

陳臧

城陽中尉

陳臧

水衡都尉

廢丞

齊中廢丞

陳臧

齊中廢丞

陳臧

內史

趙內史印章

陳臧

菑川內史

陳臧

淮陽內史章

陳臧

六安內史章

陳臧

六安內史章

吳臧

埒

左府

半通印

陳臧



左府

半通印

陳臧

左府

半通印

陳臧

左□

半通印

陳臧

守府

半通印

陳臧

□銅

半通印

陳臧

漢侯印封泥

侯

丞相曲逆侯章

吳臧

曲逆侯印

吳臧

赤泉侯印

陳臧

侯名印

汾陰侯昌

陳臧

埒君名印

南昌君布

陳臧

漢侯國官印封泥

相

平侯相印

陳臧

女陰侯相

陳臧

女陰侯相

吳臧

建成侯相

陳臧

劇魁侯相

吳臧

蔡侯相印

陳臧

蔡侯相印

陳臧

□□侯相

右半缺

陳臧

□平□相

上半缺

陳臧

祁侯□□

左半缺

陳臧

封

□鄒□丞 上半缺 陳臧

倉 一字 陳臧

封泥攷略卷二  
河間王璽封泥



右封泥四字璽文曰河間王璽按漢書地理志河間國故趙

文帝二年別爲國應劭曰在兩河之間漢書諸侯王表河間  
孝文二年二月乙卯文王辟疆以趙幽王子立薨哀王福嗣  
薨亡後又河間獻王德景帝子二年三月甲寅立薨共王不  
周嗣薨剛王基嗣薨頃王綏嗣薨孝王慶嗣薨王元嗣建昭  
元年廢遷房陵建始元年正月丁亥惠王良以孝王子紹封  
薨王尙嗣王莽篡位貶爲公明年廢此其璽也參攷河間獻  
王傳及史記諸侯年表世次悉合唯不周竝作不害基竝作  
堪綏竝作授攷古人命名不害已見孟子申子不周則未見  
要以列傳年表爲正也漢書百官公卿表諸侯王高帝初置

金璽鑿綬掌治其國有太傅輔王內史治國民中尉掌武職  
丞相統眾官羣卿大夫都官如漢朝景帝十五年令諸侯王  
不得復治國天子爲置吏改丞相曰相省御史大夫廷尉少  
府宗正博士官大夫謁者郎諸官長丞皆損其員武帝改漢  
內史爲京兆尹中尉爲執金吾郎中令爲光祿勳故王國如  
故損其郎中令秩千石改太僕曰僕秩亦千石成帝綬和元  
年省內史更令相治民如郡太守中尉如郡都尉此封泥色  
紫中有繩孔背有版紋與漢官儀略同


漢官儀曰孔子稱封泰山禪梁父封者以金泥銀繩印之以

璽又曰建武三十二年登封泰山尙書令臧玉牒封石檢以金爲繩以石爲泥亦封泥用繩之證也

抱朴子曰古之人入山者佩黃神白章印以封泥著所在之四方各百步則虎狼不敢近是道家亦有封泥埒識於此



菑川王璽封泥



右封泥四字璽文曰菑川王璽按漢書地理志菑川國故齊

文帝十八年別爲國後並北海諸侯王表菑川孝文十六年  
四月丙寅王賢以齊悼王子武城侯立反誅懿王志以齊悼  
惠王子安都侯立爲濟北王孝景四年徙菑川薨靖王建嗣  
薨頃王遺嗣薨思王終古嗣薨考王尙嗣薨孝王橫嗣薨懷  
王友嗣薨王永嗣王莽篡位貶爲公明年廢此其璽也簠齋  
陳氏臧淮陽王璽是白玉者非金與表異

菑川丞相封泥



曹丞相印

右封泥四字印文曰菑川丞相菑川王國攷見前此自是景  
帝中五年以前王賢王志時丞相之印也出臨菑

定陶相封泥



右封泥五字印文曰定陶相印章按漢書地理志濟陰郡故  
梁景帝中六年別爲濟陰國宣帝甘露二年更名定陶諸侯

王表楚孝王囂宣帝子甘露二年立爲定陶王又定陶共王  
康元帝子河平四年徙定陶傳二世此其相之印也又攷王  
相印文初止四字明集古印譜載江都王相印文曰江都相  
印至武帝太初元年更名印章始用五字史記封禪書夏漢  
改歷以正月爲歲首而色上黃官名更印章以五字爲太初  
元年孝武本紀漢書郊祀志竝同武帝紀色上黃數用五張  
晏曰漢據土德土數五故用五謂印文也若丞相曰丞相之  
印章諸卿及守相印文不足五字者以之足之則此印乃太  
初以後所造也

趙相封泥



右封泥五字印文曰趙相之印章按漢書地理志趙國故秦

邯鄲郡高帝四年爲趙國景帝三年復爲邯鄲郡五年復故諸侯王表趙隱王如意高帝子九年立又趙共王恢高帝子高后七年徙趙又趙幽王友高帝子十一年立爲淮陽王二年徙趙孝文元年王遂以幽王子紹封又趙敬肅王彭祖景帝子二年立爲廣川王四年徙趙傳三世又地節四年哀王高以頃王子紹封傳三世此其相之印也

真□相封泥



右封泥五字印文曰真□相□章史記諸侯年表孝武元鼎  
四年真定國頃王平元年常山憲王子漢書諸侯王表真定  
頃王平傳五世但真下字缺或非真定未可知耳



廣川相封泥



右封泥五字印文曰廣川相印章按漢書地理志信都國景帝二年爲廣川國宣帝甘露三年復故諸侯王表廣川惠王越景帝子中二年立薨繆王齊嗣薨王去嗣廢地節四年戴王文以繆王子紹封傳二世此其相之印也

廣陽相封泥



右封泥五字印文曰廣陽相印章按漢書地理志廣陽國高  
帝燕國昭帝元鳳元年爲廣陽郡宣帝本始元年更爲國諸  
侯王表廣陽本始元年頃王建以燕刺王子紹封傳四世此  
其相之印也

廣陽相封泥



右封泥五字印文曰廣陽相印章詳前

廣陽相封泥

圭沙五用卷二



右封泥五字印文曰廣陽相印章詳前

廣陽相封泥



右封泥五字印文曰廣陽相印章詳前

廣陽相封泥



右封泥五字印文曰廣陽相印

□章  
詳前

高密相封泥



右封泥五字印文曰高密相印章按漢書地理志高密國故

齊文帝十六年別爲膠西國宣帝本始元年更爲高密國諸侯王表高密本始元年十月哀王以廣陵厲王子立薨頃王章嗣薨懷王寬嗣薨王慎嗣王莽篡位貶爲公明年廢此其相之印也



梁相封泥



右封泥五字印文曰梁相之印章按漢書地理志梁國故秦碭郡高帝五年爲梁國諸侯王表梁懷王揖文帝子二年立薨亡後又梁孝王武文帝子二年立爲代王三年徙爲淮陽王十年徙梁傳八世此其相之印也

梁相封泥



右封泥五字印文曰梁相之印章詳前

魯相封泥



右封泥五字印文曰魯相之印章按漢書地理志魯國故秦薛郡高后元年爲魯國諸侯王表魯恭王餘景帝子二年立爲淮陽王二年徙魯傳五世此其相之印也

魯相封泥



右封泥五字印文曰魯相之印章詳前

泗水相封泥



右封泥五字印文曰泗水相印章按漢書地理志泗水國故東海郡武帝元鼎四年別爲泗水國諸侯王表泗水元鼎元年思王商以常山憲王少子立薨哀王安世嗣亡後太初三年戴王賀以思王子紹封傳四世此其相之印也

泗水相封泥



右封泥五字印文曰泗水相印章詳前

泗水相封泥



右封泥五字印文曰泗水相印章詳前

廣陵相封泥




右封泥五字印文曰廣陵相印章按漢書地理志廣陵國高



帝六年屬荊州十一年更屬吳景帝四年更名江都武帝元狩三年更名廣陵莽曰江平屬徐州諸侯王表廣陵厲王胥武帝子元狩六年立自殺初元二年孝王霸以厲王子紹封傳三世亡後元延二年靖王守以孝王子紹封傳二世此其相之印也

廣陵相封泥



右封泥五字印文曰廣陵相印□章詳前

六安相封泥



右封泥五字印文曰六安相印章按漢書地理志六安國故楚高帝元年別爲衡山五年屬淮南文帝十六年復爲衡山武帝元狩二年別爲六安國諸侯王表六安元狩二年恭王慶以膠東康王少子立傳五世此其相之印也

六安相封泥



右封泥五字印文曰六安相印章詳前

六安相封泥




右封泥五字印文曰六安相印章詳前

長沙相封泥



右封泥五字印文曰長沙相印章按漢書地理志長沙國秦郡高帝五年爲國諸侯王表長沙定王發景帝子二年立傳五世亡後初元四年孝王宗以刺王子紹封傳三世此其相之印也

□平相封泥



右封泥五字印文曰□平相印章按漢書地理志王國有廣平有東平此平上一字闕不能定爲何國之相印也

□□相封泥



右封泥五字印文曰□□相印章王國二字泐不可攷附王  
相後



□□相封泥



右封泥五字印文曰□□相印章王國二字缺不可攷附王  
相後

菑川頃廟封泥




右封泥四字印文曰菑川頃廟頃左旁僅可辨廟字僅存上半按漢書百官公卿表奉常景帝中六年更名太常諸廟寢園食官令長丞及諸陵縣皆屬焉此曰頃廟自是菑川頃王遺之廟未言食官令長丞或是員吏印也出臨菑

吳郎中封泥



右封泥四字印文曰吳郎中印按史記諸侯年表高祖十二年荆更爲吳國初王濞元年孝景三年反誅郎中詳前

吳郎中封泥



右封泥

子缺上半印文曰口吳郎口中印詳前

六安僕封泥



右封泥四字印文曰六安僕印六安及僕詳前

廬江御丞封泥



右封泥四字印文廬江御丞安史記諸侯年表文帝十六年陽周侯劉賜封廬江王漢書百官公卿表少府屬官有御府令丞此當是廬江王劉賜之御府丞也

菑川府丞封泥



右封泥四字印文曰菑川府丞出臨菑此府自是少府若丞

相府御史府乃尊其署曰府非官名也少府丞表云有六志云本注曰丞一人比千石此印菑字从口不从田與封泥漢器印泉菑字不同又印大於王璽不能無疑友人慫恿入錄姑說而封之或曰印大是秦制



□□□秋封泥



右殘封泥四字印文存下二字一有筆畫一作秋出臨菑校

漢書百官公卿表詹事屬官有中長秋宦官師古曰皇后之  
官成帝鴻嘉三年省詹事官并屬大長秋師古曰省皇后詹  
事總屬長秋也此長秋自是都官如漢朝菑川王后宦官之  
印惟上二字不能定耳

齊中尉封泥



右封泥四字印文曰齊中尉印出臨菑校史記諸侯年表高

帝子齊王劉肥子則悼惠世家作劓肥子將閭將閭子壽  
壽子次昌武帝子閔漢書百官公卿表諸侯王高帝初置中  
尉掌武職羣卿大夫都官如漢朝此印雖未能定齊何王時  
自是高帝武帝子孫王齊者之官非田儋韓信時物也

城陽中尉封泥



右封泥四字印文曰城陽中尉按漢書地理志城陽國屬充

州肇域記漢城陽國治莒孝文二年立朱虛侯章爲城陽王  
此城陽王劉章中尉之印也又鼂錯傳迺拜鄧公爲城陽中  
尉又建元年中上招賢良公卿言鄧先注師古曰鄧先猶云  
鄧先生也一曰先者其名也或卽鄧公之印與

齊中廡丞封泥



右封泥四字印文曰齊中廡丞按漢書百官公卿表太僕屬官有大廡令丞尉又諸侯王羣卿大夫都官如漢朝此封泥出臨菑自是齊國太僕屬官之印中廡或是內官

齊中廩丞封泥



右封泥四字印文曰齊中廩丞詳前



趙丙史封泥



右封泥五字印文曰趙丙史印章趙及丙史詳前

菑川內史封泥



右封泥四字印文曰菑川內史菑川及內史詳前出臨菑

淮陽內史封泥



右封泥五字印文曰淮陽內史章按漢書地理志兗州淮陽

國高帝十一年置孝明帝更名陳國後漢書郡國志豫州陳國高帝置爲淮陽章和二年改史記諸侯年表淮陽國都陳初王劉友高祖子徙趙孝惠元年爲郡七年復爲國懷王強惠帝子王武惠帝子誅國除孝文前三年復置代王武徙又徙梁爲郡孝景前元年復置王非景帝子徙魯四年爲郡漢書諸侯王表憲王欽宣帝子王欽子王纘子莽貶爲公明年廢後漢封淮陽者不具載內史詳前

六安内史封泥



右封泥五字印文曰六安内史章六安及内史詳前

六安內史封泥



右封泥五字印文曰六安內史章詳前

左府封泥



右封泥二字半通印文曰左府疑是王國丞相御史兩府之一姑埶王國官後出臨菑

左府封泥



右封泥二字半通印文曰左府詳前



左府封泥



右封泥二字半通印文曰左府詳前

左口封泥



右殘封二字半通印文存一字曰左出臨菑自是王國官姑  
封左府封泥後此左字大或曰秦印

守府封泥



右封泥二字半通官印文曰守府出臨菑是齊國守府掾史之印

□銅封泥



右殘封泥二字半通印文曰□銅銅上之字下半作木不可攷似秦印小篆文出臨菑封王國官印後

丞相曲逆侯封泥



右封泥六字印文曰丞相曲逆侯章按漢書地理志中山國

曲逆張晏曰濡水於城北曲而西流故曰曲逆史記陳丞相世家高帝南過曲逆上其城望見其室屋甚大曰壯哉縣吾行天下獨見洛陽與是耳顧問御史曰曲逆戶口幾何對曰始秦時三萬餘戶間者兵數起多亡匿今見五千戶於是詔御史更以陳平爲曲逆侯孝惠帝六年相國曹參卒以安國侯王陵爲右丞相陳平爲左丞相陵之免丞相呂太后乃徙平爲右丞相孝文帝立以爲太尉勃親以兵誅呂氏功多陳平欲讓勃尊位乃謝病孝文帝初立怪平病問之平曰高祖時勃功不如臣平及誅諸呂臣功亦不如勃願以右丞相讓

勃於是孝文帝乃以絳侯勃爲右丞相位次第一平徙爲左丞相位次第二賜平金千斤益封三千戶絳侯謝病請免相陳平專爲一丞相孝文帝二年丞相陳平卒謚爲獻侯子共侯買代侯二年卒子簡侯恢代侯二十三年卒子何代侯二十三年何坐略人妻棄市國除此其印也漢書百官公卿表爵二十級徹侯金印紫綬避武帝諱曰通侯或曰列侯改所食國令長名相又有家丞門大夫庶子

曲逆侯封泥



右封泥四字印文曰曲逆侯印曲逆侯詳前



赤泉侯封泥



右封泥四字印文曰赤泉侯印按史記諸侯年表莊侯楊喜  
高帝七年封項羽紀注謚壯子定侯殷漢書高惠高后孝文  
功臣表謚嚴子名敷孫毋害嗣免復封臨汝侯此其印也印  
文又見漢銅印

汾陰侯昌封泥



右封泥四字印文曰汾陰侯昌按漢書地理志汾陰縣屬河

東郡在南史記高祖功臣侯年表高祖六年正月丙午汾陰  
悼侯周昌元年初起以職志擊破秦入漢出關以內史堅守  
敖倉以御史大夫定諸侯比清陽侯二千八百戶漢書高惠  
高后孝文功臣表汾陰悼侯周昌薨哀侯開方嗣薨侯意嗣  
坐行賕髡爲城旦此乃悼侯印也印著侯名與相侯宣印裨  
將軍張賽印同自非官印

南昌君布封泥



右封泥四字印文曰南昌君布見舊譜或僞仿其文汾陰侯  
昌余亦疑之

平侯相封泥



右封泥四字印文曰平侯相印按漢書地理志平縣屬河南郡高惠高后孝文功臣表平悼侯工師喜高帝六年封傅子至孫坐罪免此其相印也師喜史記作沛嘉廣韻作公師壹

女陰侯相封泥



右封泥四字印文曰女汝陰侯相按漢書地理志女陰縣屬汝南郡史記高祖功臣侯年表高祖六年汝陰文侯夏侯嬰元年傳至曾孫坐罪國除此其相印也

女陰侯相封泥



右封泥四字印文曰女汝陰侯相詳前

建成侯相封泥



右封泥四字印文曰建成侯相按漢書地理志建成縣屬沛



六安內史封泥



右封泥五字印文曰六安內史章六安及內史詳前

六安內史封泥



右封泥五字印文曰六安內史章詳前

蔡侯相封泥



右封泥四字印文曰蔡侯相印按漢書地理志蔡縣屬蜀郡

史記高祖功臣侯年表高祖九年蔡莊侯疆瞻元年傳至曾孫爲人所殺國除此其相印也蔡莊侯疆瞻漢書作平嚴侯張瞻師錢氏大昭漢書辨疑曰平史記作蔡說文亏部云古文平作𠂔又云采辨別也讀若辨古文作𠂔番字从采采與平相似番與蔡同音故蔡爲平耳

蔡侯相封泥



右封泥四字印文曰蔡侯相印詳前

目録卷之二  
三  
□□侯相封泥



右封泥四字印文曰□□侯相前二字缺相字下半缺出灘  
縣古營邱城其前半復棄入土中矣

□平□相封泥



右封泥印文曰□平□相攷漢王國相印文曰某國相印後更爲某國相印章說在定陶相印章下侯國相印則曰某國侯相此漢時印制也然則是印曰□平□相其爲侯相不疑但侯國地名下一字作平者甚多莫可攷耳

祁侯口封泥



右封泥四字印文曰祁侯口口缺其右半自是相印二字按  
史記高祖功臣侯表祁國高祖六年六月丁亥穀侯繒賀元  
年文帝紀注謚敬侯頃侯湖漢書表作胡侯它坐不敬國除  
此其相之印也埒侯相後



□ 鄒 □ 丞 封 泥



右封泥四字印文曰□鄒□丞上半缺按漢書地理志有梁

鄒縣屬濟南郡水經濟水又東過梁鄒縣北元和志今淄州  
濟陽縣本漢梁鄒縣魯詩傳古有梁騶者天子之田也作騶  
東都賦制同乎梁鄒注同功臣侯表梁鄒孝侯武虎高帝六  
年封千乘郡有東鄒縣此封泥出臨菑或是梁鄒丞上之字  
或國或尉或邑無從攷定以有封爵姑拊侯國

倉封泥



右封泥一字印文曰倉漢諸侯王國之倉印也